

## U fokusu mladi

# Podrška Općine Stari Grad različitim kategorijama

Detalje o podršci ovim kategorijama i načinima možete pronaći na službenoj stranici Općine Stari Grad Sarajevo [www.starigrad.ba](http://www.starigrad.ba)

Općina Stari Grad Sarajevo aktivno podržava građane svoje lokalne zajednice, uključujući mlade, kroz različite programe i javne pozive. U fokusu su stipendiranje djece iz boračke populacije, nadarenih učenika i studenata, kao i djece bez roditeljskog staranja. Također, podržavaju se i mladi koji se obrazuju za deficitarne i tradicionalne zanate.

Ove inicijative imaju za cilj osnažiti mlade i pružiti im dodatne mogućnosti za obrazovanje, doprinoseći boljoj budućnosti i razvoju lokalne zajednice. Općina nastoji pomoći najugroženijim



Stari Grad: Pomoć najugroženijim članovima

članovima društva, omogućavajući im da ostvare svoj puni potencijal.

Javne pozive i detalje o podršci ovim kategorijama i načinima možete pronaći na službenoj stranici Općine Stari Grad Sarajevo

na [www.starigrad.ba](http://www.starigrad.ba). Također, možete se i direktno obratiti nadležnim službama za boračko-invalidsku zaštitu, socijalna pitanja, kao i za obrazovanje, kulturu, sport i mlade za dodatne informacije. **D. H.**

Traži se rješenje

## Smanjiti liste čekanja za onkološke pacijente

Održan sastanak s udruženjima onkoloških pacijenata

Zavod zdravstvenog osiguranja Kantona Sarajevo zajedno s Ministarstvom zdravstva Kantona Sarajevo aktivno radi na

iznaženju rješenja koje će umanjiti liste čekanja za onkološke pacijente u Kantonu Sarajevo.

U prostorijama Zavoda

zdravstvenog osiguranja Kantona Sarajevo tim povodom održan je sastanak s udruženjima onkoloških pacijenata. Sastanku je prisustvovao i Enis Hasanović, ministar zdravstva KS.

- Želimo čuti riječ struke, ali i ono s čime se suočavaju naši osiguranici i krajnji korisnici zdravstvenih ustanova u Kantonu Sarajevo - rekao je Muamer Kosovac, direktor Zavoda zdravstvenog osiguranja KS.

Kosovac je istaknuo da su pacijenti na prvom mjestu. **D. H.**



Nazire li se rješenje za duge redove

Izložba „Ljudi filantropskog srca“

## Otvorena manifestacija 'Dani filantropije'

Filantropija je moćno oruđe koje može donijeti važne i trajne promjene

Izložbom „Ljudi filantropskog srca“, Fondacija tuzlanske zajednice u saradnji s Vladom SAD, putem USAID-a, jučer je u Sarajevu otvorila manifestaciju „Dani filantropije“, koja se drugi put organizira u BiH. „Dani filantropije“ održavaju se od 25. septembra do 4. oktobra u Tuzli, Bijeljini, Travniku, Banjoj Luci, Sarajevu, Mostaru, Zenici, Srebrenici i Maglaju, kako bi promovirali filantropiju i filantropske organizacije koje rade na napretku i zajedništvu u svojim zajednicama.

Direktor Odjela za demokratiju misije USAID-a u BiH Džej Tut (Jay Totte)



„Dani filantropije“ u Sarajevu

kazao je da se danas govori o tome na koji način građani mogu raditi za dobrobit svojih zajednica, poticati suosjećanje među ljudima i suprotstaviti se podjelama na temeljima etničkih razlika.

- Filantropija je moćno oruđe koje može donijeti

važne i trajne promjene. Posljednjih godina vidimo da sve više običnih ljudi preuzima inicijativu i traži rješenje za društvene promjene, a time uzrokuju pozitivne promjene u svojim zajednicama - kazao je Tut na konferenciji za medije. **Fena**

IZBORNA UTRKA Šta su planovi kandidata za načelnika

# Digitalizacija javne tramvajska linija, tu

Hasanović želi da Vogošća bude lider u digitalnoj upravi • Aba Vogošće s

Na predstojećim izborima kandidati u Općini Vogošća bit će aktuelni načelnik Migdad Hasanović (SDA) te Fuad Abaspahić kao kandidat trojke.

### Šta obećavaju

Hasanović kao svoj najvažniji prioritet u narednom periodu ističe osiguravanje pitke vode u nekim područjima općine u kojima to još nije slučaj. Također, jedan od ciljeva koji Hasanović planira završiti, a koji je već započeo jeste digitalizacija javne uprave, te mu je namjera da Općina Vogošća bude lider u tom procesu te da se građanima omogući da većinu svojih zahtjeva prema općini završe online putem. Hasanović ističe kako se njegov program bazira na razgovorima s građanima i upoznavanju s gorućim problemima koji ih muče. Pored ulaganja u



Hasanović: Na čelo općine došao krajem 2022.

infrastrukture i digitalizacije, koji su istaknuti kao prioriteta, Hasanović također namjerava nastaviti

s pomoći penzionerima i boračkoj populaciji, kao i ulaganje u razvoj kulturnih, sportskih i drugih manifestacija.

S druge strane, Fuad Abaspahić (SDP) kao svoje prioritete ističe povezivanje Vogošće s centrom Sarajeva kroz saradnju s višim nivoima vlasti, što će podrazumijevati trolejbusku i autobusku liniju, otvaranje tunela na Kobiljoj Glavi, omogućavanje da Vogošća ponovo postane centar in-

### Izbori 2023.

Za načelnika Općine Vogošća Migdad Hasanović prvi put je izabran u februaru 2023. godine. U utrci za načelnika Hasanović je pobijedio protukandidata trojke Adnana Šeraka (NiP). Prethodno je Hasanović obnašao fun-

kciju v. d. načelnika Vogošće, nakon što je Edin Smajić izabran za federalnog parlamentarce. Inače, Smajić je na čelu Vogošće bio još od 2011. godine, a ova općina važi za jednu od najvećih utvrda SDA u Kantonu Sarajevo.

Ministarstvo zdravstva

# Preventivni pregledi za rak

Svi zainteresirani građani i građanke KS mogu obaviti preglede za rak grlića materice, dojke, prostate, debelog crijeva i rak pluća

Ministarstvo zdravstva Kantona Sarajevo pokrenulo je kampanju „Budimo odgovorni - Život je u pitanju“, koja je osigurala veliki broj preventivnih pregleda osobama koje imaju prebivalište u KS.

Napominjemo da su svi pregledi besplatni.

Svi zainteresirani građani i građanke KS mogu obaviti pregle-

de za rak grlića materice, dojke, prostate, debelog crijeva i rak pluća.

U okviru ovogodišnje akcije obaviti će se ukupno 27.666 pregleda, što je rekordan broj u odnosu na prethodne dvije godine. Od ovog broja, osigurano je:

\* za rak dojke: 5.800 pregleda,

\* za rak debelog crijeva: 8.900 pregleda,

\* za rak grlića materice: 5.300 pregleda,

\* za rak prostate: 5.000 pregleda,

\* za rak pluća: 2.666 pregleda.

Zainteresirani se trebaju registrirati putem web-stranice <https://zivotjeupitanju.ba/> koja je u funkciji od 25. septembra 2024. godine.

**D. H.**